



CENTAR ZA OBUKU PASA ZA OTKRIVANJE MINA ZA JUGOISTOČNU EUROPU

IZVJEŠTAJ O RADU ZA 2008 GODINU

Januar 2009

Uvod

U 2008 godini Centar za obuku pasa za otkrivanje mina za Jugoistočnu Europu (MDDC) obilježio je petogodišnjicu uspješnog rada. Od potpisivanja Memoranduma o razumjevanju o osnivanju MDDC, 22.10.2002 godine između US State Department, International Trust Fund for Demining and Mine Victims Assistance i Vijeća ministara Bosne i Hercegovine i zvaničnog početka rada MDDC-a 14.10.2003, ostvareni su značajni rezultati koji MDDC svrstavaju u red svjetski priznatih centara za obuku u protuminskom djelovanju.

MDDC je realiziranjem obuke vodiča pasa i pasa za otkrivanje mina za potrebe programa u Libanonu i angažovanjem vlastitih kapaciteta na zadacima deminiranja u Iraku u prethodnoj godini, svojim aktivnostima izašao iz okvira jugoistočne Evrope i postao prepoznatljiv u cijelom svijetu.

1. Obuka

1.1 Obuka vodiča pasa i pasa za otkrivanje mina

Na osnovu ugovora između Ministarstva odbrane Bosne i Hercegovine i MDDC-a, u 2008 godini, MDDC je provodio doobuku 17 MDD timova¹ Oružanih snaga Bosne i Hercegovine (OS BiH), koja je vršena kako bi se MDD timovi iz sastava OS BiH pripremili za proces testiranja koje vrši Centar za uklanjanje mina Bosne i Hercegovine (BHMAC).

MDD timovi OS BiH su tokom dvomjesečne doobuke sa trenerima iz MDDC radili na unaprijeđenju tehnike pretraživanja i kondicioniranju pasa za otkrivanje mina. Loši klimatski uslovi su djelimično usporavali doobuku ali je u konačnici postignut željeni rezultat. Nakon uspješno provedene doobuke MDD timovi su testirani od strane Centra za uklanjanje mina Bosne i Hercegovine, te su stekli akreditaciju za provođenje pregiranja² u Bosni i Hercegovini.

Zahvaljujući postignutim rezultatima Ministarstvo odbrane Bosne i Hercegovine je sa MDDC zaključilo dvogodišnji ugovor o doobuci pasa i vodiča pasa iz sastava OS BiH za period 2008 do 2010 godine.

1.MDD tim čine jedan vodič psa i pas za otkrivanje mina

2.Pregiranje je metoda čišćenja sumnjivih i miniranih površina pri čemu minimalno dva MDD tima neovisno jedan od drugog pretražuju pripremljenu površinu –boks za pregiranje. Boks za pregiranje je definirana sumnjiva površina pripremljena za pregiranje od strane deminera.

Saradnja koja je uspostavljena između MDDC i Marshal Legacy Institute (MLI) ³ iz Sjedinjenih Američkih Država u 2005 godini, uspješno je nastavljena i tokom 2008 godine.

Zaovoljni sa postignutim rezultatima obuke pasa za otkrivanje mina i vodiča pasa koje je prethodnih godina provodio MDDC, donatori iz MLI-a su ukazali povjerenje MDDC-u da vrši obuku dvanaest MDD timova i to deset MDD timova za potrebe programa u Libanonu ⁴ i po jedan MDD tim za potrebe Civilne zaštite FBiH i Civilne zaštite RS.

MDDC je u 2008 godini realizovao obuku dva MDD tima za potrebe deminerske organizacije Raeseuro. Po završenoj obuci MDD timovi su testirani od strane BHMAC-a i nakon dobrih rezultata pokazanih tokom testiranja MDD timovi iz navedene organizacije su stekli akreditaciju za rad.

Ugovorom koji je MDDC potpisao sa Civilnom zaštitom RS i Civilnom zaštitom FBiH definisana je saradnja u 2008 godini koja se odnosi na doobuku MDD timova iz navedenih organizacija.

1.2 Obuka deminera i trenera pasa

U periodu od 21.3. do 4.4.2008. u MDDC je održan osnovni kurs za deminere, kao i specijalistički kurs za trenere pasa za otkrivanje mina. Petnaest polaznika ovog kursa iz različitih deminerskih organizacija boravili su u MDDC u ovom periodu, nekon čega su stekli potrebna znanja koja će im omogućiti aktivno uključivanje u protuminske aktivnosti.

Uručivanjem certifikata o uspješno završenoj obuci 4. aprila, koji se u svijetu obilježava kao Međunarodni dan borbe protiv mina, MDDC nastoji na najkorisniji način, odnosno obukom operativnog osoblja u deminiranju, obilježiti ovaj značajan datum.

Kurs je organiziran u suradnji sa deminerskom organizacijom Amphibia, s kojom je MDDC i do sada ostvarivao vrlo korisnu i značajnu suradnju.


3. Marshal Legacy Institute je neprofitna humanitarna organizacija osnovana na 50 godišnjicu Marshalovog plana. MLI, u skladu sa idejom George C. Marshal, u 21 vijeku osigurava zemljama koje se suočavaju sa problemom neuklonjenih minskih polja, sredstva i obuku neophodnu za uklanjanje minske opasnosti

4 Donatori iz MLI su osigurali finansijska sredstva za obuku deset MDD timova za potrebe programa deminiranja u Libanonu. Nakon izvršene obuke od strane MDDC-a psi za otkrivanje mina su donirani Centru za uklanjanje mina Libanona (LMAC).

1.3 Obuka vodiča pasa i službenih pasa

Psi su se pokazali kao veoma vrijedno sredstvo u borbi protiv terorizma i nelegalnog prometa narkotika, te i za druge policijske potrebe, kao što su patrolni psi i psi za spašavanje. MDDC je u periodu april - jun 2008 godine na osnovu ugovora sa Ministarstvima unutrašnjih poslova Distrikta Brčko i Zeničko Dobojskog Kantona, realizovao obuku pet vodiča pasa , tri patrolna psa i jednog psa za otkrivanje narkotika za potrebe Policije Brčko Distrikta i Policije Zeničko-Dobojskog kantona.

Obuka vodiča i službenih pasa



2. Saradnja sa članicama Kordinacionog tijela za protuminsko djelovanje za Jugoistočnu Evropu (SEEMACC)

MDDC je aktivan učesnik u radu Koordinacionog tijela za protuminsko djelovanje jugoistočne Evrope (SEEMACC). Na sastanku SEEMACC-a koji je održan u mjesecu februaru 2008 godine u Republici Sloveniji ponovno je istaknut značaj MDDC-a kao konkretan dokaz regionalne saradnje svih učesnika u protuminskom djelovanju u jugoistočnoj Evropi.


Predstavnici EOD Menagment Section Kosovo su iskazali potrebu da se MDD timovi uključe u aktivnosti deminiranja na Kosovu u 2008 godini i u tom pravcu tražili potporu ostalih članova SEEMACC-a. Takođe, Centar za uklanjanje mina Republike Albanije je naglasio značaj saradnje koja je ostvarena sa MDDC-om u prethodnim godinama tokom realizacije deminerskih zadataka u Republici Albaniji, te istakli neophodnost ponovnog uključivanja MDD timova iz MDDC-a kako bi se postigao zacrtani cilj: „Albanija slobodna od mina 2010 godine“

3. Podška MDD timova iz MDDC-a na zadacima deminiranja

MDD timovi iz MDDC-a su u prethodnoj godini aktivno učestvovali kao podrška deminerskim organizacijama na deminerskim zadacima u Bosni i Hercegovini, Kosovu i Iraku.

3.1. Bosna i Hercegovina

U 2008 godini MDD timovi iz MDDC bili su angažovani na velikom broju deminerskih zadataka u Bosni i Hercegovini gdje su u svojstvu podgovarača pružali podršku deminerskim organizacijama. Ukupna pregirana površina sa MDD timovima iz MDDC-a na deminerskim zadacima u Bosni i Hercegovini u 2008 godini je 142.543 m². MDD timovi su prvenstveno korišteni sa ciljem smanjenja sumnjive površine na stvarnu veličinu minskog polja i pokazali su se kao vrlo efikasna metoda u tehničkom izviđanju. Organizacije sa kojima je MDDC u toku 2008 godine aktivno učestvovao u realizaciji poslova deminiranja na deminerskim zadacima u BiH su: NVO UEM, Mechem d.o.o, NVO EKODEM, N & N IVŠA d.o.o, AMPHIBIA d.o.o, NVO Provita, Udruga "PAZI MINE, te monitorska organizacija "EKSPLORING" d.o.o na raznim zadacima deminiranja u Bosni i Hercegovini.




3.2. Kosovo

U skladu sa planom o angažovanju MDD timova iz MDDC-a na Kosovu koji je dostavljen predstavnicima US Department of State i International Trust Fund for Demining and Mine Victims Assistance (ITF), i nakon potpisivanja ugovora između MDDC-a i ITF-a, MDD timovi iz MDDC-a su započeli aktivnosti deminiranja na deminerskim zadacima na Kosovu u mjesecu maju 2008 godine.




Šest MDD timova iz MDDC su bili raspoređeni na različitim deminerskim zadacima u periodu od 20.05 do 20.09. 2008 godine. MDD timovi su aktivnosti deminiranja provodili sa deminerskom organizacijom Mine Awareness Trust. Aktivnosti deminiranja vršene su u skladu sa listom prioriteta koju je sačinio EOD Management Section Kosovo koji je ujedno vršio i kontrolu kvaliteta urađenog posla.



MDD timovi iz MDDC-a su tokom realizacije ugovora na Kosovu, pregirali površinu od **79 010 m²** pri čemu je pronađeno i uništeno 92 minsko-eksplozivna sredstva od čega 64 AP mine i 28 NUS-a.

prikaz pronađenih mina i NUS-a



3.3. Irak

Na osnovu Memoranduma o Razumijevanju, potpisanim između MDDC-a i Marshall Legacy Institute, tri MDD tima iz MDDC-a upućeni su u Irak, gdje će u periodu od avgusta 2008 do maja 2009 godina raditi na zadacima deminiranja kao podrška deminerskim timovima Mines Advisory Group (MAG). Projekat zajednički finansiraju Office of Weapons Removal and Abatement, US Department of State i MLI.



Aktivnosti deminiranja provode se u sjevernom dijelu Iraka i predstavljaju dio pilot projekta koje realizuje MLI u cilju uspostavljanja MDD kapaciteta u Iraku.

MDD timovi iz MDDC-a su odmah po dolasku u Irak uspješno položili test koji je bio uslov za sticanje akreditacije za rad i uključivanje u aktivnosti deminiranja u Iraku. Testiranje su provodili predstavnici Centra za uklanjanje mina u Iraku i predstavnici UN-a.

U periodu avgust-decembar 2008 godine, MDD timovi iz MDDC-a su prekontrolisali sumnjivu površinu od 60 000 m². Predstavnici MAG-a su dali visoku ocjenu za profesionalno obavljanje postavljenih zadataka MDD timovima iz MDDC-a i iskazali potrebu za još većim angažmanom MDD timova na deminerskim zadacima u Iraku.

4. Promocija aktivnosti MDDC

Prijatelji i partneri MDDC – predstavnici organizacije Marshall Legacy Institute iz SAD-a, po treći put su organizirali posjetu grupe donatora iz raznih država SAD-a Bosni i Hercegovini.

Plan posjete delegacije MLI sastojao se najvećim dijelom od susreta sa domaćim zvaničnicima i posjeta organizacijama - korisnicima donacije MLI- a, naročito doniranim psima za otkrivanje mina, obučenim u MDDC-u.

Donatori su izrazili spremnost za nastavak saradnje sa MDDC-om i pružanje pomoći Bosni i Hercegovini kroz proširenje svojih aktivnosti i na oblast pomoći žrtvama mina.

Predstavnici njemačkog bataljona međunarodnih stabilizacijskih snaga u BiH posjetili su MDDC u više navrata tokom 2008 godine kako bi se upoznali sa aktivnostima MDDC-a.

Iskazujući veliki interes za rad MDDC-a, predstavnici JMA EUFOR su izrazili želju da sakupe određena finansijska sredstva za obuku jednog psa za otkrivanje mina. Obilježavajući nacionalni dan Republike Austrije i Republike Mađarske, oficiri i vojnici bataljona međunarodnih stabilizacijskih snaga u BiH iz navedenih država su sakupili i donirali novčana sredstva koja će se koristiti za obuku psa za otkrivanje mina u MDDC-u koji će po završenoj obuci biti doniran OS BiH.

MDDC je u toku 2008 godine posjetio veliki broj domaćih i međunarodnih zvaničnika koji su izrazili zadovoljstvo sa postignutim rezultatima koje MDDC ostvaruje u svom radu.